

E P I T O M E.

UGo Moncata simul cum Columnensibus, qui datam Pontifici fidem sefellerant, Romam ingressus, eaque foede direpta, Pontificem in Hadriani molem confugere, & obsessum coegit quatuor mensum inducias cum Caesare inire. Cremonam per Venetos receptam Senatus Francisco Sfortiae tradi mandavit. Quamvis ad intercludendum Germanis in Italiam aditum nihil operae praetermissum fuisset; alpes transgressi Padum ad Hostiliam trajecere. Foederatorum classis ad Sestrium prospere cum Hispanica congressa est: saeviente maris tempestate pugna direpta. Pontificem animi dubium, ac relicta urbe Venetias cogitantem, Veneti ab importuno consilio avocarunt. Salassiorum Princeps Venetorum auxiliis auctus Placentiam, quam aggressuros Hispanos rumor erat, validiori praesidio firmavit. Hispani tamen, cum stipendia minime solverentur, orta in castris seditione, nihil moliti sunt. Foederatorum classis mari, Rentius Ceres terra Neapolim versus movere. Puteolos classis adorta est: Hieronymo Priolo, trierarcho Veneto, prim. per murorum biatus ingresso, oppidum capium, ac direptum est. Maritima aliquot oppida se foederatis dederunt: Neapoli maxime trepidatum est, ac ni Moncata obsideret, cives in nostrorum potestate voluntaria deditione venissent. Borbonius, ut opulentissimarum urbium direptione exercitum aleret, Bononiam contendit, per Etruriam, aut per Flaminiam moturus. Quamquam de octo mensum induciis inter Pontificem, ac Proregem Neapolitanum convenerat, a finibus pontificiae ditionis Borbonius minime vim abstinuit. Dominico Venerio, quod Romae injussu Senatus in condiciones baud Reipublicas aequas foederis subscripserat, dies est dicta. Caesareani Romam capere, ac foedissime diripere. Expeditionis dux Borbonius, dum inter primos moenia conscendere nitebatur, glande plumbea trajectus est. Hadriani moles, quo se Pontifex receperat, milite ac operibus cincta est. Cunctantibus, remque trahentibus foederatis, Clemens captivitatis pretasus ad pacem cum Caesare componendam inclinare animum coepit. Ravennae ac Cerviae, Pontifice captivo, in novandarum rerum spem erectis, praesidium a Venetis impostum. Novi ad instaurandum in Insulubris bellum apparatus facti. Lautrecbius Italiam ingressus est. Genua a Gallis & Venetis terra marique oppugnata in Gallorum potestatem concessit. Foederata classis ad Sardiniam tempestate disiecta est. Alexandriam Lautrecbius expugnavit. Sfortiam, quod sibi restituta non esset, aegre ferentem Veneti in fide retinuerunt. Lautrecbius, capto Ticino, Romam versus per Etruriam, frustra revocantibus Venetis, exercitum duxit. De pace ab Andrea Naugerio cum Caesare actum: ea infecta, bellum a foederatis denunciatum est: Ferrariensis, ac Mantuanus Reguli in societatem adsciti. Inter Suleimanum & Venetos officii, muneribus, omnique amoris significatione certatum est. Clemens Pontifex multa, neque omnia aequa cum Caesareanis pactus, se in libertatem vindicavit. Senatus consulto cautum est, ut qui a Pontifice singulis ditionis Venetae ecclesiis Episcopi dandi essent, ii a Senatu nominarentur. Hoc ut abrogaretur, simul & Flaminiae oppida ut sibi redderentur, Archiepiscopus Sipontinus Caesar Gallos, Venetos, ac Florentinos oratores, qui bellum illi indixerant, comprehendit iussu. Foederatis regnum neapolitanum ingressis, alia oppida vi capta, alia ad deditionem compulsa: pura vetus Neapolitanorum in Gallos studium, & nondum abolita miti Venetorum in maritimas Apuliae urbes imperii memoria, ad foederatorum partes traxit. Regni caput Neapolim Lautrecbius circumfedit, iussu maria obsidere Philippino Auria, eoque Veneta classe a Brundysinae arcis oppugnatione avocata. Brunscuensis dux ad redintegrandum in Gallia cisalpina bellum a Caesare in Italiam missus aliquot oppida deditione recepit: mox Laude-Pompeja irrito conatu oppugnata, in Germaniam revertit. Hispanica classis, antequam Veneta Neapolim appelleret, a Philippino Auria pensae universa aut demersa, aut capta ruere ad Neapolim coepere; donec Lautrecbio etiam morbi vi extincto, obsidione soluta, dum se in exitum Galli recipere conabantur, plurimi ab insequentibus Hispanis in itinere caesi, ceteri qui Aversam Reipublicae serua, in Caesaris clientelam concessit, arcem praesidio Gallis adhuc obrinentibus. Franciscus Borbonius in Italiam missus multa fortiter, ac prospere in Insulubris gessit. Genuensis arx spe omni Pontifex iterum Flaminiae urbes per Gallias atque Angliae Reges a Venetis repetiit. Multa a Venetis, exercitum ducenti facti sunt obviam Caesareani Mediolani oppugnandi occasione Genuam cum reliquis ducibus vitum cepere. Urbinas, supremus Veneti exercitus praefectus, Caesareanos Abduam trajicientes ex insidiis adortus, eos magna clade percussit. Ob Caroli Caesaris, conciliata cum Pontifice Italicae libertatis ac dignitatis tuendae manentibus. Pax inter Caesarem & Galliae regem Cameraci clausa, sed tandem universae quoque Italiae, praeter quam Florentinis, Bononiae data est.